



SJÚKRAFLUTNINGASKÓLINN

Ársskýrsla 2024

Inngangur

Hlutverk Sjúkraflutningaskólans er að veita menntun á sviði sjúkraflutninga og bráðaðþjónustu utan sjúkrahúsa. Við skólann starfa tveir starfsmenn í fullu starfi, skólastjóri og verkefnisstjóri. Auk þeirra koma að námskeiðum leiðbeinendur og umsjónarmenn námskeiða sem verktakar sem eru m.a. sjúkraflutningamenn, bráðatæknar, hjúkrunarfræðingar, ljósmæður og læknar.

Sjúkraflutningaskólinn er rekinn sem eining innan Sjúkrahússins á Akureyri (SAk) og ber framkvæmdastjórn SAk ábyrgð á daglegum rekstri skólans.

Á árinu 2024 voru haldin 54 námskeið (voru 61 árið 2023) og var heildarfjöldi þátttakenda 572 (voru 601 árið 2023). Grunnnámskeið í sjúkraflutningum EMT voru níu með 100 þátttakendum, framhaldsnámskeið í sjúkraflutningum (lotur) AEMT voru alls fimmtán með 142 þátttakendum, námskeið í vettvangshjálpi EMR voru tíu með 114 þátttakendum og endurmenntunar- og önnur námskeið voru tuttugu með 216 þátttakendum.




Útskrift Sjúkraflutningaskólans 1. Júní 2024

Fyrirkomulag menntunar sjúkraflutningamanna.

Nám sjúkraflutningamanna á Íslandi er annars vegar grunnnám (EMT) sem er 260 tíma nám og framhaldsnám (EMT-Advanced) sem er 413 tíma nám. Nemendur fá starfsleyfi að loknu grunnnámi og geta þá hafið störf sem sjúkraflutningamenn. Bæði grunnhluti og framhaldshluti námsins, byggjast á viðmiðum úr kennsluskrá sjúkraflutningamanna í Bandaríkjum NA, byggt á stöðlum frá National Highway Traffic Safety Administration (NHTSA). Auk náms í sjúkraflutningum sinnir skólinn námi í Vettvangshjálpi (Emergency First Responder) byggt á sama staðli og EMT námið og má hér nefna samstarf Sjúkraflutningaskólans við Háskólann á Akureyri og Mennta- og starfsþróunarsetur lögreglunnar varðandi menntun lögreglunema í vettvangshjálpi en allir lögreglunemar taka 40 tíma nám í vettvangshjálpi og útskrifast sem vettvangsliðar.

Útskrift Sjúkraflutningaskólans.

Stór útskriftarhátíð var haldin í Flugsafninu á Akureyri 1. júní 2024. Vel var mætt og flutt voru ávörp skólastjóra, nemenda og leiðbeinenda auk tónlistaratriða og einnig boðið upp á góðar veitingar. Útskrifaðir voru 229 nemendur eftir skólaárið 2023-2024. Þar af fengu 97 grunnréttindi sem sjúkraflutningamenn EMT, 12 útskrifuðust með framhaldsmenntun AEMT og 120 vettvangsliðar EMR.



GRUNN- OG FRAMHALDSMENNTUN
Grunnnám í sjúkraflutningum er 260 tíma nám sem tekur nú um 5-7 vikur og lýkur með bóklegu og verklegu prófi. Eftir það er hægt að sækja um...

ENDURMENNTUN
Mein markmið er að nemendur viðhaldi starfsréttindum sínum sem sjúkraflutningamenn og vettvangsliðar og auki við þekkingu og þjálfun í ljósi...

ÖNNUR NÁMSKEIÐ
Sjúkraflutningaskólinn býður upp á fjölda námskeiða fyrir starfsfólk í bráðabjónustu. Vettvangshjálpi (First Responder) er 40 tíma námskeið fyrir...

Forsíða heimasíðu skólans www.ems.is

Starfsfólk og nefndir skólans

Skólastjóri: Ingimar Eydal

Framkvæmdastjórn Sjúkrahússins á Akureyri ber ábyrgð á rekstri Sjúkraflutningaskólans. Skólinn heyrir undir framkvæmdastjóra lækninga, Ragnheiði Halldórsdóttir.

Verkefnisstjóri: Sigurjón Valmundarson starfar sem verkefnisstjóri og staðgengill skólastjóra.

Umsjónarmaður búnaðar: Jón G. Knutsen starfaði í hlutastarfi sem umsjónarmaður búnaðar skólans auk fleiri starfa við yfirlestur og umsagnir starfsþjálfunarskýrslna, ýmiskonar aðstoð við framkvæmd námskeiða og annara verka. Auk hans sjá Aron Rúnarsson um búnað á suðursvæði landsins og Eydís Sigurgeirsdóttir um búnað á norðursvæði.

Yfirkennari EMT: Kjartan Kárason var skipaður yfirkennari EMT námsins til eins árs frá okt 2024 og vannur það sem hlutastarf sem verktaki.

Fagråd Sjúkraflutningaskólans:

Fagråd Sjúkraflutningaskólans var ekki virkt á árinu en umjónarmenn og starfsmenn fóru með verkefni þess.

Inntökunefnd:

Skólastjóri og verkefnisstjóri ásamt fulltrúa úr Fagráði skipa inntökunefnd skólans.

Fagråd sjúkraflutninga:

Fagráðið er skipað samkvæmt reglugerð um framkvæmd og skipulag sjúkraflutninga nr. 262/2011 til fjögurra ára í senn. Hlutverk þess er að vera heilbrigðisráðherra til ráðgjafar um öll fagleg málefni er varða sjúkraflutninga á, við og yfir Íslandi og skylda starfsemi. Skólastjóri situr í ráðinu fyrir hönd Sjúkraflutningaskólans sem menntastofnunar sjúkraflutninga. Einn bókaður fundur var hjá ráðinu á árinu.

Aðgerðarstjórn almannavarna Norðurlandi eystra:

Skólastjóri situr í Aðgerðarstjórn almannavarna Norðurlands eystra (AST) fyrir hönd SAK.


Stjórn Símenntunarmiðstöðvar Eyjafjarðar (SÍMEY):

Skólastjóri situr í stjórn Símenntunarmiðstöðvar Eyjafjarðar (SÍMEY) fyrir hönd fyrirtækja og stofnana ríkisins.


Námskeið

Haldin voru 54 námskeið á árinu 2024 og voru þátttakendur samtals 572. Á árinu voru eftirtalin námskeið haldin (sjá myndrit 1 og 2) (fjöldi 2022 í sviga).

Myndrit 1 Tegundir og fjöldi námskeiða



Myndrit 2 Fjöldi þátttakenda á námskeiðum skólans



Grunnnámskeið í sjúkraflutningum (EMT) er 260 klst námskeið sem veitir þeim sem því ljúka rétt til að sækja um löggildingu sem sjúkraflutningamenn. Á árinu 2024 voru haldin **9 (9)** grunnnámskeið EMT bæði í streymisnámi og staðarnámi með samtals **100** nemendum. Eitt staðarnámskeið var haldið í Reykjavík, með 10 nemendum fyrir Slökkvilið höfuðborgarsvæðisins. Streymisnámskeið voru átta, þar sem bókleg kennsla fór fram í gegnum Moodle fjarkennslukerfið en verklegar lotur voru á Akureyri (tveir hópar 17 nemendur), Fáskrúðsfirði (einn hópur 7 nemendur), Sandgerði (þrjú hópar 38 nemendur) og Selfoss (tveir hópar 28 nemendur). Bæði er boðið upp á námskeið á vorönn og haustönn. Notuð er bókin Emergency Care, 13. útgáfa frá útgáfufyrirtækiu Pearson sem og önnur kennslugögn s.s. glærur og prófaspurningar.

Framhaldsnám sjúkraflutninga (EMT-Advanced) Framhaldsnámið er 413 klst nám sem veitir sjúkraflutningamönnum aukna færni og aukin réttindi. Náminu er skipt niður í fjórar lotur, auk lokafærnimats, þannig að nemendur geta ráðið hraðanum á náminu, þó er miðað við að námið taki ekki lengri tíma en þrjú ár. Allar lotur voru kenndar á árinu, alls voru **15** námskeið í lotunáminu með 142 nemendum samtals, þar með talið eitt lokafærnimat þar sem nemendur fara í gegnum mat á öllum þáttum framhaldsnámsins sem þeir þurfa að standast til að geta útskrifast. Í **lotu 1** voru kennd fimm námskeið, þrjú í Sandgerði, eitt í Reykjavík og eitt á Ísafirði með samtals 45 nemendum. Í **lotu 2** voru þrjú námskeið, eitt í Reykjavík, eitt í Sandgerði og eitt á Ísafirði, samtals 27 nemendur. Í **lotu 3** voru fjögur námskeið, eitt í Reykjavík, eitt á Akureyri, eitt á Ísafirði og eitt í Sandgerði með samtals 36 nemendum. Í **lotu 4** voru tvö námskeið, Akureyri og Sandgerði með samtals 22 nemendum. Lokafærnimat var svo haldið einu sinni á Akureyri fyrir 12 nemendur.

Vettvangshjálparnámskeið (First Responder) Um er að ræða **40 klst.** námskeið sem er ætlað viðbragðsaðilum sem eru líklegir til að verða fyrstir á vettvang slysa, s.s lögreglu, slökkvilið, björgunarsveitir eða aðrir skipulagðir viðbragðsaðilar. Haldin voru **tíu** námskeið í Vettvangshjálparnámskeið með samtals **114** þátttakendum. Sex námskeið voru haldin fyrir lögreglunema við Háskólann á Akureyri með 77 þátttakendum, tvö námskeið voru fyrir Securitas sem þjónusta neyðarhnappa með 17 þátttakendum, og tvö fyrir Isavia á Keflavíkurflugvelli með 20 þátttakendum.

Endurmenntunar- og sérsnámskeið fyrir sjúkraflutningamenn, vettvangsliða og aðra viðbragðsaðila voru **20** með samtals **216** þátttakendum. Þar af voru sex ILS námskeið (Sérhæfð endurlífgun 1) með 89 nemendum, haldin á Sauðárkróki, Húsavík, Sandgerði, Akureyri, Ísafirði og Reykjavík. EPILS námskeið (Sérhæfð endurlífgun barna 1) voru einni sex með samtals 67 þátttakendum, tvö í Keflavík og síðan eitt í Sandgerði, Akureyri, Ísafirði og Reykjavík. ILS endurmenntun var á Sauðárkrók, eitt námskeið. Almenn endurmenntun var haldin fyrir HSN á Húsavík, viðbragðsaðila á Þórshöfn og vettvangsliða á Skagaströnd og Isavia á Keflavíkurflugvelli, samtals 72 þátttakendum.

Lokaorð

Starfsemi skólans hefur verið í nokkru jafnvægi sl. þrjú ár eftir nokkrar sviptingar á covid árunum og hefur fjöldi námskeiða og nemenda verið svipaður milli ára.

Í kjölfar tillagna nefndar um stefnumótun í sjúkraflutningum til ársins 2030 vann Heilbrigðisráðuneytið aðgerðaráætlun í málaflokknum. Meðal annars er vikið að því hvort nám sjúkraflutningamanna eigi heima í almenna skólakerfinu eins og menntun annarra heilbrigðisstarfsmanna og var aðgerðaráætlun í þeim efnum vísað til Landsráðs um mönnun og menntun í heilbrigðisþjónustu. Í október 2023 var skólanum tilkynnt um tillögur ráðsins til ráðherra og tillögur heilbrigðisráðherra til mennta- og barnamálaráðherra um að nám sjúkraflutningamanna fari í almenna skólakerfið frá og með haustinu 2024. Haldinn var fundur með aðilum málsins í febrúar 2024 og niðurstaða hans var að ekki væri raunhæft að flytja námið fyrr en haustið 2025 þar sem vinna þyrfti námskrá og útfæra námið og hvað yrði hlutverk skólakerfis og hvað yrði hlutverk núverandi Sjúkraflutningaskóla. Í október var síðan skipuð nefnd sem hefur það verkefni að „kortleggja og búa til sameiginlega námsbraut“. Haldnir voru þrír fundir í október og nóvember þar sem unnið var að verkefninu. Verkefnisskil eru 1. september 2025 og því væntanlega verður námið ekki flutt í almenna skólakerfið á árinu 2025.

Sjúkraflutningaskólinn átti farsælt samstarf við marga aðila á árinu. Þakkir eru færðar rekstraráðilum sjúkraflutninga fyrir gott samstarf, en sérstaklega viljum við þakka Slökkviliði höfuðborgarsvæðisins, Heilbrigðisstofnun Suðurlands, Brunavörnum Suðurnesja, Heilbrigðisstofnun Suðurnesja, Slökkviliði Akureyrar, Slökkviliðinu í Fjarðarbyggð, Landsspítala, Sjúkrahúsinu á Akureyri og Neyðarlínunni fyrir veitta aðstoð við starfsþjálfun og aðra aðstoð við framkvæmd námskeiða. Endurlífgunarráð Íslands og Hrafnhildur Lilja Jónsdóttir kennslu- og þjálfunarstjóri á SAK fá þakkir fyrir gott samstarf. Umsjónarmenn, verkefnisstjórar og leiðbeinendur námskeiða eru burðarásar í náminu og fá þeir sérstakar þakkir fyrir vel unnin störf.

Skólastjóri vill þakka öllum samstarfsaðilum gott og farsælt samstarf á árinu 2024.

Ingimar Eydal
Skólastjóri